



Jumat, 02 April 2021

Ogen: Johanes 19:28-30



Enggo Dung



Enggo dung' kata enda nuriken maka lanai lit siman cakapenken, man lakonken, ngadi! Enda me siibelasken Jesus paksa IA i kayu persilang, kenca kiniseran siinanamina, ndatken ukumen, ipakuken, iuru-uru janah piga-piga percakapenNa ras kalak siisekelewetna paksa e. Kata enda nuriken maka Jesus ngangkai kerina proses si jadi e sebage dalam simbelin si arus ibentasinna. Ietehna ija nari ibenakenNa dengen paksa ia ndungi kerina kerina dahinNa i doni enda. Jesus menaken kerina rencana Dibata i doni enda alu ketubuhenna siiperingeti kita ibas perayan Natal, ersurak ermeriah ukur kita ngalo-ngalo penebus. Pendahin Jesus i doni enda, si beritaken kita alu tanda sengget, ipepalemNa pinakit dengen pengajaren si luar biasa seh paksa enda. Amin kiniseran ibentasiNa, idalani ukumen seh dung tapi enda labo kedungen ibas Jesus. Dung idatas kayu persilang tapi menaken sada babak baru si la pernah lit i doni enda sope IA. Mate, ikuburken tapi keke italukenNa kematen e seh nangkih ku surga.

Perlu dengen penting siinget eme maka kerina silit i doni enda lit pemenanna dengen lit kedungenna. Tapi ibas Jesus kedungen i kayu persilang la kepe ngadi terjeng je, kegeluhenna doni idungina tapi ibenakenna kegeluhenna sirasa lalap ibas kekekenNa jadi kegeluhenna si luar biasa

Enggo dung ibas doni si la tetap (fana/semu) desken anggur si macem. Enda me siiperingeti kita ibas Jumat simbelin wari enda. Siinget kuga Jesus ndungi dahinNa. Sedekah geluhNa, idalani, idahikenna alu luar biasa, itadingkenna perbahanenna si man usihen, pengajaren dengen kuasa siicidakenNa. Gelah tek kita maka IA Anak Dibata sinusur ku doni guna ngajari ras mersan salah dosanta gelah terkelin. Mari siendesken geluhna iteruh kayu silangNa, idungiNa kerinana, sai me dosanta.